

Laudatio Trix Acker

Trix isch vor öppe acht Jahr zu Eus cho
Dass sie im Kitu igschtige isch hät eus alli gmacht froh

Wo denn de Jugendhauptleiter gange isch
Isch klar gsii da mues Trix vorne an Tisch

Mit dere Ufgab isch sie au vor sächs Jahr in Vorstand choo
Au da hämmer sie mit ihrem Turnerhintergrund dankbar und freudig ufgnoooh

Ihri ufgabe hät sie immer mit viel guete überlegige gmacht
Und i allne Situatione s beschte bracht.

Vieli stunde het sie au eifach mit offne Ohre verbracht
Und wenn immer nötig i de Halle ushif gmacht.

Mir verdanked ihre im Leiterteam e gueti Kommunikation
Mi hoffed sie gspührt das und empfindet das als Lohn

Mänge Jugitag het sie für Eusi Jugend agmeldet
Und jedi Jugireis begleitet!

Trix het Humor und gueti Wortwahl
Mi händ mit därä St.Galler - schnöre Spass gha i eusem schöne Tal!

Zwei Sache möchte ich ganz bsunders erwähne wo mir verdanked de Trix
Eis isch de UBS Kids Cup wo sie gekonnt dureführet als wäris nix

De Kids Cup isch für de STV Wehntal es ushängeschild
Er macht eus Freud und bringt e sportliche ussrichtig und frische Wind!

Denn hät sie aber au defür gsorget dass de Ufbau i de Jugend eus ine gueti Zuekunft treit!
Mit strukturierig und Leitfäde für de Trainingsufbau het sie wichtigi Grundlage gleit.

Trix - ich und mir alli werdet Dich vermissee und das macht mi fasch verrückt
Ich hoffe das Du nur es päuseli machsch und denn eus mit aweseheit i de Turnstunde beglücksch!

Au Dir wettet mir fescht danke säge und schänked Dir öppis wo mit Dinere Familie chasch gnüsse
denn die hät de Verein ja au grad mit llsatz is Herz dörfe schlüsse

Drum au für Dich ein Guetschii für s Riverside
Wo ässe und Bowling de Hit isch wie mer seid

Herzliche dank für all Dis Herzbluet
und für alles was chunnt viel Freud und Muet!